

四庫全書

史部

欽定四庫全書

史部

欽定續通志卷一百三十九

六至

通政使司副使臣施朝幹覆勘

總校官原任侍講臣王燕緒

欽定四庫全書

欽定續通志卷一百三十六

職官畧

明官制下

太常寺

明置太常寺卿一人少卿一人寺丞二人掌祭

其屬有典簿二人

博士五人協律郎二人贊禮郎九人

司樂二十人天壇地壇朝日壇夕月壇先農壇帝王廟

祈穀殿長陵獻陵景陵裕陵茂陵泰陵顯陵康陵永陵

昭陵各祠祭署奉祀一人祀丞二人犧牲所吏目一人

提督四譯館少卿一人掌譯書之事南京太常寺卿一

人少卿一人典簿一人博士一人協律郎二人贊禮郎

七人司樂二人各祠祭署

合奉祀八人祀丞七人

臣等謹按明會典協律郎五人贊禮郎三十一人
司樂三十一人奉祀十五人祀丞十六人蓋嘉靖
後所增設者也又按明初作太常司洪武三十年
仍依前代之制改司為寺

光祿寺

明置光祿寺卿一人少卿二人寺丞二人掌祭
事燕勞酒醴膳羞之事其屬典簿二人錄事一

人大官珍饈良醢掌醢四署各署正一人署丞四人監
事四人司牲司大使副使各一人銀庫大使一人南京
光祿寺卿一人少卿一人典簿一人大官珍
饈良醢掌醢四署各署正一人署丞一人

臣等謹按明初沿宋遼金元之制置宣徽院後改為光祿寺

太僕寺

明置太僕寺卿一人少卿三人寺丞四人掌牧馬之政令以聽於兵部其屬主簿一人常盈庫

大使一人各牧監監正一人監副一人錄事一人各庫庫長一人南京太僕寺卿一人少卿二人寺丞二人主簿一人

臣等謹按洪武四年沿襲舊制置羣牧監專司牧養六年置監於滁州旋改為太僕寺三十年置行太僕寺於北平永樂以後以行太僕寺為太僕寺

其在滁州者為南京太僕寺

鴻臚寺

明置鴻臚寺御一人左右少卿各一人左右寺丞各一人掌朝會禮儀之事其屬主簿一人司

儀司賓二署各署丞一人鳴贊九人序班四十八人南京鴻臚寺御一人主簿一人司儀司賓二署各署丞二

人鳴贊四人

序班九人

臣等謹按宋遼金皆置東西上閣門諸使分掌朝會引進之事明初沿元代之制置侍儀使引進使通事舍人諸員洪武三十年改為鴻臚寺省前代閣門諸使蓋明制不置三省故專掌於鴻臚也

尚寶司

明置尚寶司卿一人少卿一人司丞三人掌寶璽符牌印章而辨其所用南京尚寶司卿一人

臣等謹按寶璽符牌唐宋遼則掌於三省金則掌於禮部元則特設典瑞院專官掌之明初設符璽郎旋改尚寶司蓋沿元制而改易其銜名者也

臣等又按明會典尚寶司御少卿丞無定員蓋其後多以勲衛大臣恩蔭添注亦以其職掌之簡也

吏戶禮兵刑工六科

明置六科各都給事中一人左右給事中各一人吏科給事中四人

戶科給事中六人禮科給事中五人兵科給事中七人刑科給事中六人工科給事中四人掌侍從規諫稽察

欽定四庫全書

刻本

卷一百三十六

三

六部百司及封駁之事南京六科給事中
六人又戶科給事中一人管理後湖黃冊

臣等謹按唐宋給事中皆屬門下省明則無所隸
屬又按金制封駁掌於審官院給事中為內侍轉
官元之給事中專掌記注明則以給事中專封駁

蓋沿唐宋之制也

中書科

明置中書科中書舍人二十人掌書寫語勅制
詔銀冊鐵券等事直文華殿東房中書舍人直

武英殿西房中書舍人內閣誥勅房中
書舍人制勅房中書舍人俱無定員

臣等謹按唐制中書舍人分押尚書六曹佐宰相

判案宋制中書舍人行命令制詞專主封駁其職
綦重明初嘗置承勅監司文監考功監又有承天
門待詔閣門使觀察使未幾裁革惟存兩房中書
舍人為宰相屬官職在書寫不得升列九卿其由
進士者得遷科道部屬亦有監生生員布衣能書
者俱可為之又有恩蔭添注之員員無定額選用
輕而職掌簡此明制之異於前代也

行人司

明置行人司司正一人左右司副各一人行人
三十七人掌捧節奉使之事南京行人司左司

副一人

臣等謹按奉使之官漢以後皆不專設明之行人司雖若規仿周制然時勢迴異殊為泥古云

欽天監

明置欽天監監正一人監副二人掌察天文占候推步之事其屬主簿一人春夏中秋冬官正

各一人五官靈臺郎四人五官保章正一人五官挈壺正一人五官監候二人五官司曆二人五官司晨八人漏刻博士六人南京欽天監監正一人監副一人主簿一人五官正一人五官靈臺郎二人五官監候一人五官司曆一人

臣等謹按唐以後各代皆以司天監隸秘書監至

元代始特置專官明初置太史監旋改太史院又
改為司天監洪武三年定為欽天監又沿元制置
回回司天監三十一年罷回回監以其算法隸於
欽天監

太醫院

明置太醫院院使一人院判二人掌醫藥之法
其屬御醫十人吏目十人生藥庫惠民藥局各

大使一人副使一人南京太醫院院判一人
吏目一人惠民藥局生藥庫各大使一人

臣等謹按唐宋尚藥局俱屬殿中省遼北面官湯
藥小底屬著帳戶司南面官湯藥局屬內侍省金

太醫御藥各院屬宣徽院明則特設專官無所隸屬蓋沿元之制也

內侍省

明置十二監四司八局司禮監提督太監一人掌督理皇城內一應儀禮刑名及鈐束長隨當

差聽事各役關防門禁催督光祿供應等事掌印太監一人掌理內外章奏及御前勅合又秉筆太監隨堂太監掌章奏文書照閣票批硃無定員書籍名畫等庫內書堂六科廊俱有掌司典簿亦無定員內官監掌印太監一人總理管理發書典簿掌司寫字監工無定員掌營造宮室陵墓并銅錫磁器用監水窖諸事御用監掌印太監一人裏外監把總二人典簿掌司寫字監工無定員掌御前造辦司設監掌印太監一人總理管理發書典簿掌司寫字監工無定員掌園簿儀仗帷幙諸事御馬監掌印太監一人騰驤四衛營各設監官掌司

典簿寫字學馬等員象房有掌司等員神宮監掌印太監一人簽書掌司管理無定員掌太廟各廟洒掃香燈等事尚膳監掌印太監一人提督光祿太監一人總理一人管理簽書掌司寫字監工無定員掌御膳及宮內食用并筵宴諸事尚寶監掌印一人簽書掌司無定員掌寶璽勅符將軍印信印綬監掌印一人簽書掌司無定員掌古今通集庫并錢券語勅貼黃印信勅合符驗信符諸事直殿監掌印太監一人簽書掌司無定員掌各殿及廊廡掃除之事尚衣監掌印太監一人管理簽書掌司監工無定員掌御用冠冕袍服及履舄鞞襪之事都知監掌印太監一人簽書掌司長隨奉御無定員隨駕前導警蹕惜薪司掌印太監一人總理簽書掌司道掌司寫字監工及各廠簽書監工無定員掌所用薪炭之事鐘鼓司掌印太監一人簽書司房學藝官無定員掌管出朝鐘鼓及內樂傳奇過錦打稻諸雜戲寶鈔司掌印太監一人簽書管理監工無定員掌造租細草紙

欽定四庫全書

卷一百三十六

混堂司掌印太監一人簽書監工無定員掌沐浴之事
兵仗局掌印太監一人提督軍器庫太監一人掌製造
軍器火藥司屬之銀作局掌印太監一人掌打造金銀
器飾巾帽局掌印太監一人掌宮內使用冠鞞鐵工局
掌印太監一人掌造宮中衣服內織染局掌印太監一
人掌染造御用及宮內應用緞疋酒醋麵局掌印太監
一人掌宮中食用酒醋糖醬麪豆諸物司苑局掌印太
監一人掌蔬菜瓜果浣衣局掌印太監一人掌凡宮人
年老及退廢者發此局居住共管理簽書掌司寫字監
工俱無定員此外如內府供用庫司鑰庫內承運庫各
有監印太監及總理管理簽書掌司寫字監工等員甲
字乙字丙字丁字戊字承運廣盈廣惠賊罰等庫各有
掌庫太監及貼庫簽書等員御酒房御藥房御茶房牲
口房各有提督太監及簽書近侍等員刻酒房更鼓房
甜食房彈子房各有掌房簽書等員靈臺有掌印條作
有掌作盛甲廠安民廠有掌廠及貼廠簽書等員其皇

京城及內外各宮門東西廠各設提督京營文書房
禮儀房中書房御前近侍等職皆設長貳在外則守修
織造鎮守市舶監督倉場諸役神
宮監監軍採辦糧稅礦關等使

臣等謹按閣寺之設祇以給使令備洒掃而已明
代設官之多幾於寺監職掌無所不有而司禮位
尊權重職批紅者體倖宰輔以致竊弄威福倒握
太阿中葉而還甚且恩蔭弟姪列爵公侯紊亂官
常褻瀆名器神燹之間糧稅礦關之使四出無一
方不罹厥害卒至大憝濟惡宗社淪亡與漢唐禍

踵相尋雖有善者莫之補救臚載篇籍誠足為萬

世之炯戒也

上林苑

明置上林苑左右監正各一人左右監副各一人左右監丞各一人掌苑園池牧畜樹種之

事共屬典簿一人良牧蕃育林衛嘉蔬四署各典署一人署丞一人錄事一人

臣等謹按唐宋上林署屬司農寺金屬工部元屬

大都留守司明則特設專官無所隸屬此明制之

異於前代也

中東西南北五城兵馬指揮司

明置五城兵馬司各指揮一人副指揮四人吏

目一人掌緝捕及街道溝渠諸事南京五城兵馬司指揮各一人副指揮各一人吏目各一人

臣等謹按明特置兵馬司指揮專掌緝捕蓋沿元制兵馬局指揮使之職即金之武衛軍都指揮使各代所不置者也

順天府

明置順天府府尹一人府丞一人治中一人通判三人推官一人儒學教授一人訓導一人府

尹掌京府之政宣化和人勸農問俗府丞兼領學校治中參理府事通判分理糧儲推官理刑名具屬經歷一人知事一人照磨一人檢校一人所轄宛平大興二縣各知縣一人縣丞二人主簿無定員典史一人司獄一人都稅司大使一人副使一人宣課司大使四人稅課司大使二人稅課分司副使二人遞運所批驗所各大

使一人南京應

天府設官略同

武學

明置京衛武學教授一人訓導一人各衛武學教授一人訓導二人掌教京衛各衛幼官及應襲舍人

與武生以待科舉而聽於兵部

臣等謹按武學始於唐代宋金亦間一行之然未有專設學校者明之武學蓋出特置云

僧錄司道錄司

明置僧錄司左右善世二人左右闡教二人左右講經二人左右覺義二人道

錄司左右正一二人左右演法二人左右至靈二人左右元義二人神樂觀提點一人知觀一人龍虎山正一真人一人法官贊教掌書各二人閻皂山三茅山各靈官一人太和山提點一人僧道錄司分掌天下僧道

臣等謹按宋遼金各史職官志俱不載僧道之職
考金石文遼代僧人有加贈至三公者大金國志
載浮屠之教在京曰國師帥府曰僧錄僧正道教
於帥府置司正曰道錄副曰道正以三年為任則
金時僧道亦有職官也明之僧道錄司大略與金
制相同

臣等謹按明史職官志載女官六局曰尚官尚儀
尚服尚食尚寢尚功分領二十四司悉依唐制又

增設彤史宮正各二人然自永樂以後盡移其職
於宦者宮官所存惟尚寢四司而已今纂輯明官
制謹將女官六局附識於此即從宋遼元三史志
不載女官之例以歸畫一云

承宣布政使司

明制定十三布政司浙江江西福建廣
西四川山東廣東河南陝西湖廣山西

雲南貴州各布政司左右布政使各一人左右參政左
右參議無定員掌宣播朝廷德澤禁令庶察條屬其屬
經歷一人都事一人照磨一人檢校一人理問一人副
理問一人提控案牘一人司獄一人庫大使副使各一
人倉大使副使各一人雜造局軍器
局寶泉局織染局各大使副使一人

臣等謹按明初沿元代之制置行中書省有平章政事左右丞參知政事洪武元年罷行省平章諸職改為左右布政使參政參議其名雖易其實則仍元之制故初置藩司與六部均重或布政使即為尚書副都御史每出為布政使其時未置巡撫故職重而秩崇也又按明會典陝西布政司所屬有茶馬司大使副使四川布政司所屬有茶課司廣西布政司所屬有裕民司雲南布政司所屬

有滇池魚課局皆因時暫設之官云

提刑按察司

明制各省置按察使一人副使僉事無定員掌一省刑名按劾之事其屬經歷一人

知事一人照磨一人
檢校一人司獄一人

臣等謹按明倣金制置提刑按察司即宋之提點
刑獄元之肅政廉訪使也

布政分司各道

明制以布政司參政參議分司諸道十
三布政司俱有督糧道其分守道則浙

江杭嘉湖道寧紹台道金衢嚴道溫處道江西南瑞道
湖東道湖西道饒南九江道贛南道山東濟南道東兗
道海右道山西冀寧道河東道冀北道冀南道陝西關
內道關西道西寧道關南道河西道隴右道河南大梁

道河南道汝南道河北道湖廣武昌道工荆南道下荆
南道荆西道上湖南道下湖南道上江防道下江防道
福建興泉道福寧道漳南道建南道汀漳道廣東嶺東
道嶺西道羅定道嶺北道嶺南道四川西道川北道
上下川東道上川南道下川南道廣西桂平道蒼梧道
左江道右江道貴州安平道貴寧道新鎮道思仁道雲
南臨安道騰
衝道瀾滄道

臣等謹按布政分司各道起於永樂間令方面官
巡視民瘼遂定參政參議分理各屬州縣而江西
陝西間設督冊道然不常置無定員云

按察分司諸道

明制以按察司副使僉事分司諸道有
提督學道清軍道驛傳道其分巡道則

浙江杭嚴道寧紹道嘉湖道金衢道江西饒南九江道
湖西道南昌道湖東道嶺北道山東兗州道濟寧道青
州海防道濟南道海右道海道登萊道遼海道山西冀
寧道冀南道雁門道陝西關內道關西道隴右道河西
道西寧道河南大梁道汝南道河南道河北道湖廣武
昌道荆西道上荆南道下荆南道湖北道上湖南道下
湖南道沅靖道福建巡海道福寧道興泉道建甌道武
平道漳南道建寧道海道汀漳道廣東嶺東道嶺西道
嶺南道海北道海南道四川上東道下東道川西道川
北道上川南道下川南道廣西府江兵巡道桂林兵巡
道蒼梧兵巡道左江兵巡道右江兵巡道貴州貴寧道
思石道都清道雲南安普道臨沅道洱海道金滄道其
整飭兵巡道則浙江寧紹道嘉興道溫處道台海道江
西南瑞道廣建道山東臨清道武德道曹濮道沂州道
遼東道山西雁北道大同道陽和道潞安道奇嵐道陝
西肅州道固原道臨洮道洮民道靖遠道榆林中路道

榆林東路道寧夏河西道寧夏河東兵糧道莊浪道漢
羌道潼關道湖廣辰沅道河南睢東道福建兵備道巡
海道廣東南韶道南雄道四川松潘道威茂道建昌道
重慶道安綿道欽廉道廣西分巡五道皆兼兵備不特
置貴州威清道畢節道雲南曲靖道又有寄銜各道其
北直隸之道寄銜於山東者有容雲道大名道天津道
霸州道寄銜於山西者有易州道口北道昌平道丹陘
道薊州永平道南直隸之道寄銜於山東道有太倉道
潁州道徐州道寄銜於浙江江西湖廣者有蘇松道漕
儲道常鎮道廬鳳道徽寧池太道淮揚道其外又有河
南浙江之協堂道浙江之水利道江西河南四川之屯
田道河南之管河道鹽法道陝西之撫治商洛道湖南
之撫民撫苗道監軍道山東之
招練道寄因事而置不常設

臣等謹按兵道之設始自仁宗洪熙間遣參政副

使沈固劉紹等往各總兵處整理文書商榷機密
孝宗弘治中兵部尚書馬文升慮武職不修議增
副僉各一員勅之由是兵備之員盈直省矣

行太僕寺

明置行太僕寺卿一人少卿一人寺丞無定員掌各邊衛所營堡之馬政以聽於兵部其

屬主簿一人

臣等謹按唐宋之制牧馬諸監悉隸於太僕寺遼
則領於飛龍院元則掌於尚乘寺明則以京員御
貳分駐於外此明制之異於前代也

苑馬寺

明置苑馬寺卿一人少卿一人寺丞無定員掌六監二十四苑之馬政而聽於兵部其屬主簿

一人各牧監監正一人監副一人錄事一人各苑團長一人

臣等謹按明之苑馬寺蓋倣唐諸苑監之制特董

以御史大員則歷代所未有也

臣等又按明會典以行太僕苑馬二寺列於州縣之後今從明史職官志序於分司各道之次

都轉運鹽使司

明置都轉運使一人同知一人副使一人判官無定員專掌鹽鹽之事其屬經

歷一人知事一人庫大使副使各一人各場鹽課司大使副使各鹽倉大使副使各批驗所大使副使各一人

臣等謹按明都轉運使凡六兩淮兩浙長蘆河東
山東福建大略沿金元之制然前代運使得專其
職明則節制於巡鹽御史則又異於前代矣

鹽課提舉司

明置提舉一人同提舉一人副提舉無定
員其屬吏目一人庫大使副使一人所轄

各鹽倉大使副使各場各井
鹽課司大使副使各一人

臣等謹按明制提舉司凡七四川廣東海北黑鹽
井白鹽井安寧五井察罕諾爾職掌同都轉鹽運

使

市舶提舉司

明置提舉一人副提舉二人掌海外各蕃朝貢市易之事共屬吏目一人

臣等謹按自宋始置市舶僅有數處元則近海諸

路悉置馬明僅置於廣東沿宋制也

茶馬司

明置大使一人副使一人掌市馬之事

臣等謹按明之茶馬司專掌互市茶馬即宋遼金

元權場之官也

各府

明置知府一人同知通判無定員推官一人知府掌一府之政令察屬吏之賢否以達於省上之吏

部同知通判分掌清軍巡捕管糧水利屯田牧馬諸事無常職無定員推官理刑名贊計與其屬經歷一人知

事一人 照磨一人 檢校一人 司獄一人

臣等謹按明初府分三等上府從三品中府正四品下府從四品後並改為正四品計天下府凡一百五十有九

各州

明置知州一人同知判官無定員知州掌一州之政令其屬吏目一人

臣等謹按明制州有二等直隸州視府屬州視縣而品秩則同計天下州凡二百三十有四

各縣

明置知縣一人縣丞一人主簿一人知縣掌一縣之政縣丞主簿分掌糧馬巡捕之事其屬典史一

人管文

移出納

臣等謹按明初縣分三等上縣知縣從六品中縣知縣正七品下縣知縣從七品後皆改為正七品計天下縣凡一千一百七十有一

儒學

明置儒學府教授一人訓導四人州學正一人訓導三人縣教諭一人訓導二人掌教誨所屬生員

臣等謹按唐制都督府始制文學一人以五經教授諸生宋於立學之州軍置教授金因之元則多置學正學錄諸員然僅置於府州明則各縣亦置

以訓導佐之

巡檢司

明制各府州縣關津要害處皆設巡檢到巡檢主緝捕之事

驛丞

明制府州縣置驛丞掌郵傳迎送之事

稅課司

明置稅課司大使一人專典稅事

倉庫局

明制府州縣各置倉大使副使及織染雜造局大使副使

河泊所

明置河泊所官掌收魚稅開官壩官掌啓閉之事

批驗所遞運所

明置批驗所大使副使各一人掌驗茶鹽引遞運所大使副使各一人掌遞運

物種

金銀局鐵冶所

明置金銀局大使副使各一人鐵冶所大使副使各一人

醫學陰陽學

明置醫學府正科一人州典科一人縣訓科一人皆設官不給祿陰陽學府正術一

人州典術一人縣訓術

一人皆設官不給祿

僧綱道紀各司

明置府僧綱司都綱副都綱各一人州僧正司僧正一人縣僧會司僧會一人

府道紀司都紀副都紀各一人州道正司道

正一人縣道會司道會一人皆設官不給祿

臣等謹按自巡檢以至僧道各司皆雜職也各府

州縣有無多寡不同

五軍都督府

明置中軍左軍右軍前軍後軍五都督府各府置左右都督都督同知都督僉事掌

軍旅之事各領兵部司衛所以建於兵部其屬經歷都事各一人南京五軍都督府不全設官分掌南京衛所

以建於南

京兵部

臣等謹按明會典都督府掌印官必於現任公侯伯推舉蓋重職也又有南京守備一人兼領中軍都督府事協同守備一人參贊機務亦必以公侯伯充之洪熙以後始變祖制以內臣同守備明政之不綱即此可見矣

京營

明制京營有三曰五軍營神機營神樞營置總督京營戎政一人協理京營戎政一人各營設副將

參將遊擊將軍左營將軍坐營號頭中

軍千總把總等官共五百八十六員

京衛

明置上直親軍指揮使司二十有六掌番上宿衛以護宮禁不隸五軍都督府又非親軍而亦不隸

都督府者十有五其隸都督府者三十有三各衛有指揮使一人指揮同知二人指揮僉事四人鎮撫二人其屬經歷一人知事吏目倉大使副使各一人南京京衛指揮使司共四十有九隸親軍衛者十有七餘俱分隸南京五都督府設官如京衛

臣等謹按明之京營以衛皇城即宋侍衛馬步軍指揮使司元武衛隆鎮衛諸職明之京衛有錦衣旗手金吾羽林府軍虎賁燕山大興濟陽濟州通

州騰驤武驤等二十六衛掌宿衛宮禁即唐宋之十六衛環衛官遼之北南護衛府金之殿前都點檢司元之樞密院各衛之職而設官獨多至若錦衣衛兼掌緝捕刑獄恒以勲戚都督領之恩蔭寄祿無定員浸至末季附勢驕橫斯有明之弊政也

王府護衛儀衛各司

明置王府護衛指揮使司設官同京衛又置儀衛司儀衛正一人儀

衛副二人與仗六人具護衛掌

防禦非常儀衛掌侍衛儀仗

各總兵官

明置總兵官副總兵參將遊擊將軍守備把總無品級無定員其總兵掛印者或稱將軍

或稱副將軍其鎮守各省有鎮守薊州總兵官一人到
總兵三人分守參將十一人遊擊將軍六人統領南兵
遊擊將軍三人領班遊擊將軍七人坐營官八人守備
八人把總一人提調官二十六人鎮守昌平總兵官一
人分守參將三人遊擊將軍二人坐營官三人守備十
人提調官一人鎮守遼東總兵官一人副總兵一人分
守參將五人遊擊將軍八人守備五人坐營中軍官一
人備禦十九人鎮守保定總兵官一人分守參將四人
遊擊將軍六人坐營中軍官一人守備七人把總七人
忠順官二人鎮守宣府總兵官一人副總兵一人分守
參將七人遊擊將軍三人坐營中軍官二人守備三十
一人鎮守大同總兵官一人副總兵一人遊擊將軍二
人入衛遊擊將軍四人坐營中軍官二人守備三十九
人鎮守山西總兵官一人副總兵一人分守參將六人
遊擊將軍一人坐營中軍官一人守備十三人操守二
人鎮守延綏鎮總兵官一人副總兵一人分守參將六

欽定四庫全書

卷一百三十六

人遊擊將軍二人入衛遊擊四人守備十一人坐營中
軍官一人鎮守寧夏總兵官一人副總兵一人分守參
將四人遊擊將軍三人入衛遊擊一人守備三人坐營
中軍官二人管理鎮城都司一人管理水利屯田都司
一人鎮守甘肅總兵官一人副總兵一人分守副總兵
一人分守參將四人遊擊將軍四人坐營中軍官一人
守備十一人領班備禦都司四人鎮守陝西總兵官一
人副總兵一人分守參將五人遊擊將軍四人坐營中
軍官二人守備八人鎮守四川總兵官一人副總兵一
人協守參將二人遊擊將軍二人守備六人鎮守雲南
總兵官一人分守參將三人守備二人巡撫中軍坐營
官一人鎮守貴州總兵官一人加提督麻陽等處地方
職銜分守參將二人守備七人巡撫中軍官一人鎮守
廣西總兵官一人分守參將五人守備三人坐營官一
人鎮守湖廣總兵官一人分守參將三人守備十一人
把總一人鎮守廣東總兵官一人副總兵一人分守參

將七人練兵遊擊將軍一人守備五人坐營中軍官三人把總四人提督狼山副總兵一人鎮守江南副總兵一人分守參將二人遊擊將軍一人守備六人鳳陽軍門中軍官一人把總十三人鎮守浙江總兵官一人分守參將四人遊擊將軍二人總捕都司一人把總七人分守江西參將一人守備四人把總六人鎮守福建總兵官一人分守參將一人守備三人把總七人坐營官一人鎮守山東總兵官一人總督備倭都司一人領薊鎮班都司四人又河南守備三人總督漕運總兵官一人兼理河南協同督運參將一人把總十二人

留守司

明置留守司正留守一人副留守一人指揮同知二人掌中都興都守禦防護之事其屬經歷

一人都事斷事副
斷事吏目各一人

臣等謹按宋制留守以樞密使殿閣大學士充元

制大都上都二留守司兼尹牧之任皆文職也明則以留守司為武秩秩同各衛蓋與前代衛名同而職守異焉

都指揮使司

明置都指揮使一人都指揮同知二人都指揮僉事二人掌一方之軍政各率其衛

所以隸於五府而聽於兵部其屬經歷都事斷事副斷事吏目司獄倉場草場大使副使各一人

臣等謹按明制都指揮使為都衛節制方面職係甚重凡朝廷有事表箋序銜布按二司上故與布按稱三司蓋一省守土之官也初分置於十三省

後增遼東大寧萬全衛計天下都司凡十有六又於陝西山西福建四川湖廣置行都司云

各衛各所

明制各衛設官如京衛統屬於都司及留守司各所則千戶所五千戶一人副千戶一人

鎮撫二人其屬吏目一人所轄百戶所凡十共百戶十人總旗二十人小旗百人其守禦千戶所軍民千戶所設官並同皆隸於都司

臣等謹按洪武七年申定衛所之制遞相統轄計天下內外衛凡五百四十有九所凡二千五百九十有三

宣慰司

明置宣慰使一人同知一人副使一人僉事一人經歷都事各一人

臣等謹按元宣慰司掌軍民之務以統郡縣明則為土官武職此銜名同而職守異也

宣撫司

明置宣撫使一人同知一人副使一人僉事一人經歷知事照磨各一人

臣等謹按宋以樞密重臣為宣撫掌宣布威靈撫綏邊境及統護將帥其職最重元宣撫司置於廣南西道亦掌政令明則以宣撫使為土官武職

安撫司

明置安撫使一人同知一人副使一人僉事一人吏目一人

招討司

明置招討使一人副
招討一人吏目一人

臣等謹按宋制招討使亦以大臣充之有征討則置金招討使掌招懷降附征討攜貳元招討使則多置於沿邊諸要地明則略倣元制而為土官武職品秩職守皆與宋金異也

各長官司

明置長官司長官一人副長一人吏目一人蠻夷長官司長官副長官各一人又有蠻夷

官苗民官千夫長

副千夫長等官

軍民府土州土縣

明置軍民府土州土縣設官同府州縣

臣等謹按明土官武職又有番部都指揮使司衛
指揮使司萬戶府千戶所皆因其俗以附寨番人
官其地羈縻之而已

欽定續通志卷一百三十六

欽定四庫全書

欽定續通志卷一百三十七

職官畧

歷代王侯封爵

公主并官屬附

宋爵一十二等王嗣王郡王國公郡公開國公開國郡
公開國縣公開國侯開國伯開國子開國男皇子兄弟
封國謂之親王親王之子承嫡者為嗣王宗室近親承
襲特旨者封郡王遇恩及宗室祖宗後承襲及特旨者

封國公餘宗室近親並封郡公其食邑沿唐制王食五千戶郡王國公三千戶特加者不在此數其開國公侯伯子男皆隨食邑公二千戶以上侯一千五百戶以上伯七百戶以上子五百戶以上男三百戶以上分國三等大國二十七次國二十小國二十凡親王府有傅長史司馬諮議參軍友記室參軍王府教授小學教授傅及長史司馬有其官而未嘗除太宗太平興國七年諸王出閣楚王府置諮議參軍二人翊善一人陳王府

置諮議翊善各一人繼又置記室及諸王府侍講一人
並以常參官充其後諮議翊善多不置記室或止一員
真宗大中祥符九年仁宗初封壽春郡王置友二員亦
以常參官充天禧二年進封昇王友遷諮議仍置記
室一人後惟增置教授屬於太宗正司凡公主亦如唐
制分大長公主長公主郡主縣主等封號皆不置官
屬

遼封爵惟國王郡王國公三等其初宗室與勲戚無異

道宗太康五年詔惟皇子封一字王餘並削降其王府
官屬北面官有親王祇應司王子院有王子太師王子
太保王子司徒王子司空王子班郎君南面官王傅府
有王傅親王內史府有內史長史參軍諸王文學館有
諸王教授諸王伴讀又北面官有駙馬都尉府掌公主
宅帳之事

金封爵郡王國公郡公郡侯郡伯

初稱縣伯章宗
承安二年更

縣子

縣男凡七等其食邑略如唐宋之制凡食邑五千戶者

實封五百戶餘視此分國三等大國之號二十次國三十小國三十封王之郡號十封公主之縣號三十其王府官有傅府尉長史司馬文學記室參軍

元爵視金惟郡王上多王一等其初宗室駙馬通稱諸王無位號之別惟視印章以為輕重後始有國邑之名其制封一字王者金印獸紐兩字王者金印螭紐次有金印駝紐金鍍銀印駝紐金鍍銀印龜紐有止用銀印龜紐各分等級有同姓無國邑而稱王者但曰宗王諸

王府官庫春布哈太子至齊王位下凡四十五王每位下各設王傅傳尉司馬三員傳尉惟庫春布哈額布根謂爾根三王有之自此以下皆稱府尉

明制親王授金冊金寶皇太子之次嫡子及庶子年十歲立為王世子授以塗金銀冊銀印親王嫡長子年十歲立為王世子授以塗金銀冊銀印次子及庶子年十歲皆封郡王冊印亦如之郡王次子授鎮國次孫輔國次曾孫奉國皆將軍凡三等次元孫鎮國次五世孫輔

國次六世孫奉國皆中尉凡三等其祿米親王歲萬石
郡王六千石郡王諸子年十五人賜田六十頃為永業
除其租其王府屬長史司左右長史各一人其屬典簿
一人審理所審理正一人副一人典膳所典膳正一人
副一人奉祠所奉祠正一人副一人典樂一人典寶所
典寶正一人副一人紀善所紀善二人良醫所良醫正
一人副一人典儀所典儀正一人副一人伴讀四人教
授無定員引禮舍人三人倉大使副使各一人郡王府

教授一人典膳一人鎮國將軍教授一人神宗萬厯間
周府設宗正一人後各府亦漸置郡王府增設教授一
人凡王府護衛指揮使司設官如京衛其王府儀衛司
儀衛正一人副二人典仗六人儀衛掌侍衛儀仗護衛
掌防禦非常護衛王邸有征調則聽命于朝凡功臣外
戚封爵三等曰公侯伯有流有世功臣則給鐵券歲祿
以功為差公主亦有長公主長公主公主凡尚主者
皆稱駙馬都尉位在伯上其尚郡主縣主郡君縣君鄉

君者並曰儀賓洪武七年公主府設家令一人司丞一人錄事一人二十三年改家令司為中使司以內使為之

臣等謹按自唐迄元朝廷無裂土以王子弟者明太祖洪武三年立長子標為皇太子封第二子椿為秦王次桐晉王棣燕王橚吳王楨楚王禕齊王樟潭王杞趙王檀魯王姪孫守謙靖江王置藩府于各直省設官屬護衛其後或徙封或續封謂當

恪守藩屏夾輔王室世有茅土以圖磐石之安乃
未幾而周王子有勸告其父櫛謀反詞連燕齊湘
三王惠帝紛紛削奪致起靖難之師及成祖即位
還齊岷二王故封不數年而榑以光暴驕縱鞭以
沉酒擅殺仍生廢黜沿至武宗朝宸濠包藏禍心
覬覦生變設非王守仁禦侮得宜又將患及宗社
皆由太祖泥古好名舉行封建以階之厲而基之
禍伏讀

御批通鑑輯覽謂師古而不知度今務名而以致害實
誠篤論也

散官

文散官

開府儀同三司

唐制以開府儀同三司為文散官第一階即不帶職官亦
與朝參祿俸宋承唐制亦以開府儀同三司為散官第
一階遼不置金文散官上曰開府儀同三司中曰儀同

三司元與金同明不設

臣等謹按唐制儀同三司以罷職就閒者居之至宋則神宗元豐八年以韓絳為開府儀同三司判大名府自是而後凡執政外戚率加此職遂為恩寵之秩與唐制異矣

特進

唐制文散官特進亦與朝參祿俸宋承唐制

宋宋自徽宗政和以

後詔特進非宰相不除

遼不置金一品文散官中次曰特進下曰

崇進元與金同明亦置特進省崇進

臣等謹按唐雖置特進之階然授者甚少宋自元豐更定官制省左右僕射以特進換之故宰臣王安石以僕射改特進政和後薛昂白時中皆以特進為宰臣是宋制不以特進為散官竟為執政之要秩與前代之制異矣金代以降仍為散秩云

光祿大夫 榮祿大夫附

唐制文散官以光祿大夫為二品金紫光祿大夫銀青

先祿大夫為三品。宋制皆為二品。上曰金紫光祿大夫。次曰銀青光祿大夫。又次曰光祿大夫。遼不置金正二品。官階金紫光祿大夫。銀青光祿大夫。從二品。光祿大夫。榮祿大夫。元與金同階。階一品。明亦置特進光祿大夫。特進榮祿大夫。光祿大夫。榮祿大夫。皆階一品。

資德大夫

資政資善大夫附

金制正三品階上曰資德大夫。中曰資政大夫。下曰資善大夫。元亦置資德大夫。資政大夫。資善大夫。皆階二

品明與元同

臣等謹按資德資政資善三階宋以前各代俱無
蓋創制于金而元明因之也

正奉大夫

通奉宣奉正議中奉大夫附

宋制三品階有正奉大夫宣奉大夫通奉大夫正議大
夫金制從三品階有正奉大夫通奉大夫中奉大夫元
與金同皆階二品明亦如之

臣等謹按宋元豐更定官制大率沿唐之制無正

奉宣奉通奉諸階至徽宗大觀中始有斯號自後
歷代沿之惟改宣奉為中奉云

通議大夫

大中大夫以下附

宋制四品階有通議大夫大中大夫金四品階正四品

上曰正議大夫中曰通議大夫下曰嘉議大夫從四品

上曰大中大夫中曰中大夫下曰少中大夫元與金同

皆階三品

按元沿金制惟改少中曰亞中

明沿元制不易

中大夫

中奉大夫以下附

宋制五品階正五品曰中大夫從五品曰中奉大夫中
散大夫金五品階正五品上曰中議大夫中曰中憲大
夫下曰中順大夫從五品上曰朝請大夫中曰朝散大
夫下曰朝列大夫元與金同皆階四品明沿元制惟改
朝散大夫為朝議大夫

臣等謹按唐宋之制四五品祇分二階或三階金
代以後則每品分為六階散官之多始于金也

朝奉大夫 朝請大夫以下附

宋六品階有朝奉大夫朝請大夫朝散大夫金以後皆為五品

奉政大夫

奉議大夫以下階

金六品階正六品上曰奉政大夫下曰奉議大夫從六品上曰奉直大夫下曰奉訓大夫元與金同皆階五品
明沿元制不易

臣等謹按唐元明六品無大夫之階惟宋金有之即唐以前歷代亦不置也

朝請郎以下

宋七品階正七品有朝請郎朝散郎朝奉郎從七品有承議郎金正七品上曰承德郎下曰承直郎從七品上

曰承務郎下曰儒林郎元與金同皆階六品明沿元制

不易

按元明惟改從六品上為儒林郎下為承務郎

宋八品階正八品曰奉議

郎通直郎從八品曰宣教郎宣義郎金八品階正八品

上曰文林郎下曰承事郎從八品上曰徵事郎下曰從

仕郎元與金同皆階七品明沿元制不易

按元制惟改從仕為從事

欽定四庫全書

通志

卷一百三十七

十

明制又改徵
革為徵仕

宋九品階有承事郎承奉郎金九品階正

九品上曰登仕郎下曰將仕郎從九品上曰登仕佐郎

下曰將仕佐郎元與金同皆階八品明八品階正八品

曰修職郎曰迪功郎從八品曰修職佐郎曰迪功佐郎

九品階正九品曰登仕郎曰將仕郎從九品曰登仕佐

郎曰將仕佐郎

臣等謹按金及明制九品皆有四階惟元不置九

品之階故元史謂元代無九品散官也又按宋制

八品階別置承務郎惟以授親民之官明制六品
別置宣德郎七品別置宣議郎惟以授吏材幹出
身之官蓋所以別塗品也

武散官

驃騎大將軍

宋沿唐制無正一品之武散官階其從一品曰驃騎大
將軍金制武散官凡仕至從二品至從一品皆用文資
元明武散官亦無一品階

臣等謹按唐以前武散官止稱將軍其稱大將軍則自唐始也

輔國大將軍以下

宋二品武階正二品曰輔國大將軍從二品曰鎮國大將軍元正二品武階曰龍虎衛上將軍金吾衛上將軍驃騎衛上將軍從二品曰奉國上將軍輔國上將軍鎮國上將軍明正二品武階曰龍虎將軍金吾將軍驃騎將軍從二品曰奉國將軍定國將軍鎮國將軍

冠軍大將軍以下

宋三品武階正三品曰冠軍大將軍懷化大將軍從三品
曰雲麾將軍歸德將軍金三品武階正三品曰龍虎衛上
將軍金吾衛上將軍驃騎衛上將軍從三品曰奉國上將
軍輔國上將軍鎮國上將軍元正三品武階曰昭武大
將軍昭勇大將軍懷遠大將軍明沿元制止稱將軍不

加大

按明制正三品昭武
之下次昭毅次昭勇

忠武將軍以下

宋四品武階正四品曰忠武將軍壯武將軍從四品曰
宣威將軍明威將軍金四品武階正四品曰昭武大將
軍昭毅大將軍昭勇大將軍從四品曰安遠大將軍定
遠大將軍懷遠大將軍元四品武階正四品曰廣威將
軍宣威將軍明威將軍從四品曰信武將軍顯武
將軍宣武將軍明沿元制不易

定遠將軍以下

宋五品武階正五品曰定遠將軍寧遠將軍從五品曰

游騎將軍游擊將軍金正五品階即元之四品其六品

階正六品曰武節將軍武德將軍從六品曰武義將軍

武畧將軍元五品階即金之六品明沿元制不易

按明制惟

改武義為武毅

諸校尉

宋六品武階正六品曰昭武校尉昭武副尉從六品曰

振威校尉振威副尉元六品武階正六品曰承信校尉

昭信校尉從六品曰忠武校尉忠顯校尉明沿元制不

易宋七品武階正七品曰致果校尉致果副尉從七品
曰翊麾校尉翊麾副尉金七品武階正七品曰承信校
尉昭信校尉從七品曰忠武校尉忠顯校尉元七品武
階正七品曰忠勇校尉忠翊校尉從七品曰修武校尉
敦武校尉宋八品武階正八品曰宣節校尉宣節副尉
從八品曰禦武校尉禦武副尉金八品武階即元之七
品階元八品武階正八品曰保義校尉進義校尉從八
品曰保義副尉進義副尉宋九品武階正九品曰仁勇

校尉仁勇副尉從九品曰陪戎校尉陪戎副尉金九品
武階卽元之八品

臣等謹按唐制以後武散官惟宋金備列九品至
元代則八品而止明代六品而止其置階之數宋
三十有一金元皆三十有四明代三十其制各殊云

勲官

宋勲官十有二等上柱國柱國上護軍護軍上輕車都
尉輕車都尉上騎都尉騎都尉驍騎尉飛騎尉雲騎尉

武騎尉金與宋同元亦與宋金同惟不置雲騎尉武騎尉明文勳十左右柱國柱國正治上卿正治卿資治尹資治少尹贊治尹贊治少尹修正庶尹協正庶尹武勳官十有二左右柱國柱國上護軍護軍上輕車都尉輕車都尉上騎都尉騎都尉驍騎尉飛騎尉雲騎尉武騎尉

臣等謹按勳官分文武惟明代為然前此所未有也

命婦

宋外命婦之號曰國夫人郡夫人淑人碩人令人恭人

宜人安人孺人金章宗承安二年敕王妃止封王夫人
郡王母妻封郡王夫人國公母妻封國公夫人郡公母
妻封郡公夫人郡侯母妻封郡君後改封郡侯夫人文
武四品母妻封縣君後改封郡君五品母妻封鄉君後
改封縣君元仍金制明外命婦之號有九公曰某國夫
人侯曰某侯夫人伯曰某伯夫人一品曰夫人後稱一
品夫人二品曰夫人三品曰淑人四品曰恭人五品曰
宜人六品曰安人七品曰孺人因其子孫封者加太字

夫在則否

欽定續通志卷一百三十七

欽定四庫全書

欽定續通志卷一百三十八

職官畧

祿秩

唐自元宗天寶十四載兵興已後權臣增領諸使月給厚俸比開元時制祿數倍肅宗至德初以用物不足內外官不給料錢郡府縣官給半俸五代時文臣多兼武

職祿亦無定制

按新舊五代史皆不載百官俸給其載于五代會要資治通鑑冊府元龜諸書

者權一時敕令及權宜之制非定則也

梁太祖開平三年正月詔曰祿俸

所以養賢而勵奉公也朕今肇建諸色已畢郊禋職貢

至多經用差少其百官俸料委左藏庫依例全給

按唐以前

戶部度支掌百官之俸給梁獨委左藏庫亦權宜之制也

後唐莊宗同光三年二月

租庸院奏新定四京及諸道副使判官以下俸料請降

敕各道逐處支遣兼除各道所置副使判官掌書記推

官外如本處所置署官員即勒本道節度使自備請給

不得擅支係省錢物定制節度使副每月料錢四十千

米一石麵一石春服冬服絹各十五匹綿三十兩節度
觀察判官每月料錢三十千米六斗麵一石春服冬服
絹各十二匹綿二十五兩節度掌書記每月料錢二十
五千米六斗麵一石春服冬服絹各十匹綿二十兩節
度推官每月料錢十五千米六斗麵一石春服冬服絹
各十匹綿二十兩租庸院又奏諸道州縣官并防禦團
練副使判官等月俸贍給其防禦團練副使判官逐月
料錢三十千及二十千不等畿縣令及各參軍諸曹判

官文學主簿諸職二十千至一十二千有差晉高祖天
福六年敕諸衛上將軍逐月加俸餘不加漢隱帝乾祐
二年七月敕諸道州府令錄判官主簿宜令等第支與
俸給周太祖廣順元年敕收守之任委過非輕分憂之
務既同制祿之數宜等前有富庶之郡請給則優或邊
遠之州俸料獨薄以至遷除之際擬議為難宜分多益
寡均利同恩今重定則例諸州防禦使料錢二百千祿
粟百石元隨三十人衣糧團練料錢一百五十千祿粟

七十石元隨三十人衣糧刺史料錢一百千祿粟五十石元隨二十人衣糧世宗顯德五年又定制縣令逐月料錢二十千至十千有差米麥五石至三石有差主簿料錢二十千至六千有差米麥三石至二石有差州司錄事參軍及兩京司錄每月料錢二十千至十千有差米麥五石至三石有差

宋制宰相參知政事樞密使同中書門下平章事樞密副使知院事同知院事及宣徽使簽書樞密院事節度

觀察留後知樞密院事及充樞密副使同知樞密院事
并帶宣徽簽書檢校太保簽書及三司使中書門下侍
郎尚書左右丞太尉月各一百石料錢四百千至二百
千有差春冬綾各十匹春絹十匹冬絹二十匹綿五十
兩樞密使帶使相節度使同中書門下平章事以上及
帶宣徽使并前兩府除節度使樞密使副知院事帶節
度使月各給二百石料錢畧同綾絹綿亦畧同三公三
少一百五十石綾各十匹絹各二十匹權三司使公事

七十石春冬綾各十匹絹十五匹權發遣使三十五石

綾絹同權三司外節度使

前所載除節度使以京朝官兼節度使外節度則各軍之

節度也一百五十石料錢三百千春絹二十匹冬絹三十

匹綾各十匹春羅一匹綿百兩留後觀察防禦使一百

石料錢三百千至二百千有差春冬絹各十匹綾各十

匹綿五十兩刺史五十石凡一石給六斗米麥各半赤

令七石丞四石京府司錄五石諸曹參軍四石至三石

有二等畿縣知縣六石至三石有四等司理司法四石

至二石有三等司戶三石至二石有二等諸縣令五石
至三石有二等簿尉三石至二石有二等西京軍巡判
官四石軍監判官防團推官二石神宗熙寧二年中書
門下言天下選人奉簿多少不一不足以勸廉吏欲月
增米麥料錢縣令以下諸職舊三石者並增至四石司
理等官舊二石者增至三石云

遼聖宗統和十六年四月詔罷民輸官俸給自內帑

金百官俸給正一品錢粟自三百貫石至二百二十貫石

有差麴米麥五十稱石至三十五稱石有差春衣羅秋
衣綾五十匹至三十五匹有差春秋絹二百匹至一百
二十匹有差綿千兩至六百兩有差從一品錢粟二百
貫石至一百八十貫石有差麴米麥三十稱石至二十
五稱石有差春羅秋綾三十匹至二十五匹有差絹一
百匹至九十匹有差綿五百兩至四百兩有差正二品
錢粟一百五十貫石麴米麥各二十二稱石春羅秋綾
各二十二匹絹各八十八匹綿三百五十兩從二品錢粟

一百四十貫石至一百二十貫石有差麩米麥各二十
稱石至十八稱石有差春羅秋綾各二十匹至十八匹
有差絹各七十五匹至七十匹有差綿三百兩至二百
五十兩有差正三品錢粟七十貫石麩米麥各十六稱
石春羅秋綾各十二匹絹各五十五匹綿五百兩外官
錢粟一百貫石至七十貫石有差麩米麥各十五稱石
至十二稱石有差絹四十匹綿三百兩從三品錢粟六
十貫石麩米麥各十四稱石春羅秋綾各十四匹絹五十

匹綿一百八十兩外官錢粟六十貫石麩米麥各十稱
石絹各二十五匹綿一百二十兩正四品錢粟四十五
貫石麩米麥各十二稱石春羅秋綾各八匹絹各四十
匹綿一百五十兩外官錢粟五十貫石至四十五貫石
有差麩米麥各八稱石絹各二十二匹綿八十兩從四
品錢粟四十貫石麩米麥各十稱石春羅秋綾各六匹
絹各三十匹綿一百三十兩外官錢粟四十貫石麩米
麥各七稱石絹各八匹綿六十兩明安錢粟四十八

貫石餘皆無烏爾古使同正五品錢粟三十五貫石麩
米麥各八稱石春羅秋綾各五匹絹各二十五匹綿一
百兩外官錢粟三十五貫石麩米麥各六稱石絹各十
七匹綿五十五兩從五品錢粟三十貫石麩米麥六稱
石春羅秋綾各五匹絹各二十匹綿八十兩外官錢粟
二十五貫石麩米麥各四稱石絹各十匹綿四十兩穆
昆錢粟二十五貫石餘皆無正六品錢粟二十五貫石
麥五石絹各十七匹綿七十兩外官錢粟二十貫石麩

米麥三稱石絹各八匹綿三十兩從六品錢粟二十二貫石麥五石春秋絹各十五匹綿六十兩正七品錢粟二十二貫石麥四石衣絹各十二匹綿五十五兩外官畧同從七品錢粟一十七貫石麥四石衣絹各十匹綿五十兩外官畧同較其職之繁簡而畧加損益焉正八品錢粟十五貫石麥三石衣絹各八匹綿四十五兩外官亦畧加損益從八品錢粟一十三貫石麥三石衣絹各七匹綿四十兩外官畧同正九品錢粟一十二貫石

麥二石衣絹各六匹綿三十五兩外官畧同從九品錢粟一十貫石麥二石衣絹各五匹綿三十兩外官畧同天德二年以三師宰臣以下有以一官而兼數職及有食其祿而復領他事者前此並給以俸今宜從一高其兼職之俸並不重給大定二十六年又詔兼給之

元制俸米俸則較其品之大小米則較其職事之繁簡世祖至元二十二年定百官俸例各品又分等次從一品有六定五定之差正二品有四定二十五兩四定一

十五兩之差從二品分三等有四定及三定三十五兩
三定二十五兩正三品分三等有三定二十五兩三定
一十五兩三定從三品分三等有三定二定三十五兩
二定二十五兩正四品分三等有二定二十五兩二定
十五兩二定從四品分三等二定一定四十五兩一定
四十兩正五品以下皆二等有一定四十兩一定三十
兩從五品有一定三十兩一定二十兩正六品有一定
二十兩一定一十五兩從六品一定一十五兩一定十

兩正七至正九品一定一十兩至三十五兩從九品三十五兩
皆以五兩遞降焉其米數則太師太傅太保中書省右左丞相
一十五石平章政事右左丞以下自十二石遞減有差六部尚
書八石侍郎五石以下遞減有差樞密院知院十三石五斗自
同知至參議十一石五斗至三石有差各衛指揮使至簽事自
七石五斗至四石五斗有差御史大夫十二石中丞至監察
御史自十一石至三石有差奎章閣學士院大學士十石五斗
其侍書學士至授經郎自九石五斗至三石有差大禧宗禋

院院使十二石其同知至參議自十石至三石五斗有
差其宣政院翰林國史院翰林院集賢院長貳畧同中
政院院使十石五斗其同知至司議照磨自八石五斗
至二石有差其太醫院典瑞院將作院太史院儲政院
並同太常禮儀院使米八石五斗其院同至院判自七
石五斗至四石有差通政院同大宗正府伊克扎爾古
齊一員十二石二十七員各八石五員各六石大司農
十二石其卿至丞自十二石至九石有差大都留守司

留守十石五斗其同知至留判自八石至四石有差都
護府大都護八石五斗其同知至副都護自七石至六
石有差武備寺卿米七石五斗同判六石其少卿至寺
丞自四石五斗至三石五斗有差其光祿尚乘長慶長
秋承徽長寧長信寧徽諸寺並同其尚舍寺引進司拱
衛都指揮司翊正司內正司都漕運司太府監祕書章
佩利用中尚度支各監長貳自七石至二石畧同國子
監祭酒米六石其司業至博士自三石五斗至二石五

斗有差蒙古國子監同經正監卿米七石五斗其太監
至監丞皆五石至三石司天監提點米六石司天監米
五石其監丞至教授自三石至一石有差回回司天監
少監米四石五斗餘並同司天監都水監亦畧同

明制正一品月俸米八十七石從一品至正三品遞減
十三石至三十五石從三品二十六石正四品二十四
石從四品二十一石正五品十六石從五品十四石正
六品十石從六品八石正七品至從九品遞減五斗至

五石而止定為制不易

致仕官祿

致仕官祿始於唐唐以前歷代皆未有也宋制仁宗景祐三年詔曰致仕官舊皆給半俸而未嘗為顯官者或貧不能自給宣所以遇高年養廉恥也其大兩省大卿監正刺史閣門使以上致仕者自今給俸並如分司官例仍歲時賜羊酒米麵徽宗大觀二年詔致仕官應給俸者以緡錢充然宋制設祠祿之官以佚老優賢其始

員數甚少熙寧以後增置愈多在京宮觀舊制以宰相執政充使或丞郎學士以上充副使兩省或五品以上為判官諸司使副為都監又有提舉提點主管其戚里近屬及前宰執留京師者多除宮觀以示優禮時朝廷方經理時政以疲老不任事者廢職欲悉罷之乃使任官觀以食其祿王安石亦欲以此處異議者遂詔宮觀毋限員又詔杭州洞霄宮亳州明道宮華州雲臺觀建州武夷觀台州崇道觀成都玉局觀建昌軍仙都觀江州

太平觀洪州玉隆觀五嶽廟並依嵩山崇福宮舒州靈
仙觀或提舉提點官俸給大兩省卿監及職司資序人
視小郡知州知州資序人視小郡通判武臣做此四年
詔宮觀岳廟留官一員餘聽如分司致仕例從便居住
其在京宮觀諸使則不輕授如王安石以右僕射觀文
殿大學士為集禧觀使呂公著韓維以資政殿學士兼
侍讀仍提舉中太一宮兼集禧觀公事馮京以觀文殿
學士梁燾以資政殿學士為中太一宮醴泉觀使是也

是後祠觀有內外之別京祠以前宰相見任使相充使
次充提舉餘則為提點為主管隨官之高下處之其非
自陳而特差者如黜降之例外祠或有以選人充之者
蓋高宗紹興以來士大夫多流離困厄之餘未有闕以
處之於是以承務郎以上權差宮觀一次而選人亦得
有宮觀至後又罷之金制官職致仕者給半俸按金史
不載致
仕官俸宇文懋昭大金國
志詳載致仕官半俸儀 明制無致仕之俸唯宰執致
仕在籍者遣行人司存問或賜羊酒或文綺然非一時

元臣碩輔則無是優禮尚書以下亦無存問及優賜焉

職田

宋真宗咸平中欲復唐職田之制令館閣檢校故事申定其制以官莊及遠年逃亡田充悉免租稅佃戶以浮客充其兩京大藩府四十頃次藩鎮三十五頃防禦團練州三十頃中上刺史州二十頃下州及軍監十五頃邊遠小州上縣十頃中縣八頃下縣七頃轉運使副十頃兵馬都監押砦主釐務官錄事參軍判司等比通判

幕職之數而均給之後又稍更其制凡大藩長吏二十
頃通判八頃判官五頃幕職官四頃凡節鎮長吏十五
頃通判七頃判官四頃幕職官三頃五十畝凡防團以
下州軍長吏十頃通判六頃判官三頃五十畝幕職官
三頃其餘軍監長吏七頃判官幕職並同防團以下州
軍凡縣令萬戶以上六頃五千戶以上五頃不滿五千
戶並四頃凡簿尉萬戶以上三頃五千戶以上二頃五
十畝不滿五千戶二頃錄事參軍比本判官曹官比倚

郭簿尉發運制置轉運使副武臣總管比節鎮長吏發
運制置判官比大藩府通判安撫都監路分都監比節
鎮通判大藩府都監比本府判官兼黃汴河許汝石塘
河都大催綱比節鎮判官節鎮以下至軍監諸路走馬
承受并砦主都同巡檢提舉捉賊提點馬監都大巡河
不得過節鎮判官在州監當及催綱撥發巡捉私茶鹽
賊盜駐泊捉賊不得過簿尉自此人有定制田有定限至熙寧
間復詔更定凡大藩府以下至防禦團練州軍畧有增損其

藩府節鎮錄參視本州判官餘視幕職官藩府節鎮曹
官視萬戶縣簿尉發運轉運使副視節鎮知州開封府
界提點視餘州發運轉運判官常平倉司提舉官視藩
府通判同提舉視萬戶縣令發運司幹當公事視節鎮
通判轉運司管幹文字提刑司檢法官提舉常平倉司
幹當公事視不滿萬戶縣令蔡河許汝石塘河都大催
網管幹機宜文字府界提點司幹當公事視節鎮判官
總管視節鎮知州路分鈐轄視餘州知州安撫路分都

監州鈐轄視節鎮通判藩府都監視本州判官諸路正將視路分都監副將視藩府都監走馬承受諸州都監都同巡檢都大巡河並視節鎮判官巡檢堡砦都監砦主在州監當及催綱撥發巡捉私茶鹽賊盜駐泊捉賊並視幕職官巡轄馬遞鋪監堰并縣鎮砦監當並視本縣簿尉諸路州學教授京朝視本州判官選人視本州曹官唯成都府路則以職田所收之課稅論職之大小繁簡而均給之知成都府一千石轉運使六百石鈐轄

轉運判官各五百石通判各四百五十石簽判節推察
推知錄幹當糧料院監軍資庫都監都巡檢巡檢走馬承
受京朝官知縣各二百石監商稅市賈院交子務視職
官城外巡檢排岸十縣巡檢各一百五十石司理司戶
司法學教授監甲仗庫各一百石知眉蜀彭雅邛嘉簡
陵州永嘉軍視成都通判其通判減三之一知咸黎茂
州視眉蜀通判其都監監押駐泊都巡檢簽判推判官
知錄京朝官并職官知縣監棚口鎮視成都職官監押

巡檢同巡檢駐泊初等職官或權入職官錄事參軍縣令試銜知縣視成都城外巡檢司理司戶司法諸縣主簿尉應監當場務選人監稅監鹽巡轄馬鋪視成都曹官應諸縣令佐係職員權攝者不給時有豐歉則稅有多少皆隨時斟酌為之增減後又詔熙河涇原蘭州路州軍官屬職官每頃給銀鈔十千哲宗元符三年朝散郎杜子民奏職田之法每患不均神宗首變兩川之法均給上下一路便之至元祐中推廣此意以限月之法

變為均給士大夫貪冒者或窮日之力以赴期會或交書請囑以幸權攝奔競之風長廉恥之節虧乞復元豐均給之法以養士廉節從之徽宗建中靖國元年知延安府范純粹奏昨帥河東日聞晉州守臣所得職田諭屬邑增廣租稅比舊數倍後襄陵縣令周汲力陳其弊郡守為之減稅十之七八佃戶始免苛斂而晉絳陝三州圭腴素號優厚多由苛斂所致或改易種色或遣子弟公皂監獲貪污猥賤無所不有乞下河東陝西監司

悉令改正從之。大觀四年，臣僚言：圭田欲以養廉，無法制以防之，則貪者奮矣。姦吏挾肥瘠之議，以逞其私。給田有限，課入無算。祖宗深慮其弊，以提點刑獄官察之，而未嘗給以圭租。庶不同其利而公其心也。近時提點刑獄所受圭租，同於他司。故積年利弊壅於上。聞元豐舊制，檢法官其屬也。當視其長。自元祐初，併提舉常平職事歸提刑司。兼領編敕，遂將提舉官合給之數撥與提刑司。參詳修立，而檢法官亦預焉。乃詔依舊法政和。

八年臣僚言尚書省以縣令之選輕於措置自不滿五千戶至萬戶遞增給職田一頃夫天下圭租多寡不均久矣縣令所得亦復不齊多至九百斛如淄川高苑八百斛如常之江陰六百斛常之宜興亦六百斛自是而降或四百五百或三二百凡在河北東京西荆湖之間少則有至三二十斛者二廣福建有自來無圭租處川陝四路自守倅至簿尉又以所收租稅均給令固不得而獨有今欲一槩增給一頃豈可得哉詔應縣令職

田頃畝未及條格者催促標撥務期如例均給宣和七年詔諸路職官各有職田所以養廉也諸縣多踰法抑令都保正長及中上戶分佃認納不問所收厚薄使之必輸甚至不知田畝所在虛認租課聞之惻然所有違法抑勒及詭名委保者以違詔論至高宗紹興間又以田數或有不均詔諸路提刑司依法標撥官多田少即於隣近州縣通融須令足數又詔將空閒之地為他司官屬所占者撥以足之仍先自簿尉始其有無職田選

人并親民使臣每員月支茶湯錢十貫其雖有職田每月不及十貫者皆補足之所以厚其養廉之利又懼其病民則委通判縣令覈實除其不可力耕之田損其已定過多之額皆所以示優恩勵清操也至其頃畝多寡則南渡後又有定式凡知藩府二十頃發運轉運使副總管知節鎮一十五頃知餘州及廣濟淮陽無為臨江廣德興國南康南安建昌邵武興化漢陽永康軍并路分鈐轄一十頃發運轉運判官提舉淮南兩浙江南荆

湖東西河北路鹽事官通判藩府八項知餘軍及監并
通判節鎮州鈐轄安撫副使都監路分都監將官發運
司幹辦公事七項通判餘州及軍滿萬戶縣令六項藩
府判官錄事參軍州學教授都監發運轉運司主管文
字滿五千戶縣令副將官節鎮判官錄事參軍州學教
授轉運司主管帳司不滿五千戶縣令滿萬戶縣丞餘
州都監走馬承受公事主管機宜文字都巡檢都大巡
河提點馬監四項節度掌書記觀察支使藩府及節鎮

推官巡檢縣鎮砦都監砦主巡捉私茶鹽駐泊捉賊在
城監當餘州判官學教授並諸承務郎以上之軍監都
監三頃五十畝軍監判官餘州推官餘州及軍監錄事
參軍巡檢縣鎮砦都監砦主巡捉私茶鹽駐泊捉賊在
城監當藩府及節鎮曹官州學教授滿五千戶縣丞滿
萬戶縣簿尉巡轄馬遞鋪縣鎮砦監當及監堰三頃餘
州及軍監曹官州學教授不滿五千戶縣丞滿五千戶
縣簿尉巡轄馬遞鋪縣鎮砦監當及監堰二頃五十畝

欽定四庫全書

欽定續通志
卷一百三十八

九

不滿五千戶縣簿尉巡轄馬遞鋪縣鎮砦監當及監壇
二頃

金制正從一二品無職田正三品外官公田三十頃統
軍使招討司副使公田二十五頃海陵天德二年省臣
奏公田課租有數前此百姓各隨公宇就輸而吏或貪
冒多取以傷民宜送之官倉均定其數與月俸隨給從
三品外官公田二十一頃正四品外官副統軍職田十
七頃餘官公田十五頃從四品外官公田十四頃正五

品外官刺史知軍鹽使公田十三頃餘官職田十頃從
五品外官公田七頃正六品從六品外官公田六頃正
七品從七品諸同知州軍都轉運判諸府推官諸節度
判諸觀察判諸京縣令諸劇縣令提舉南京京城規措
渠河官諸都巡檢諸酒麴鹽稅副諸正將統軍司知事
諸鎮軍都指揮使諸招討司勘事官諸縣令諸警巡副
京兆府司竹監管勾鹽使司判諸部圖哩同提舉上京
皇城司同提舉南京京城所黃河都巡河官諸河稅榷

場使職田五頃會安關使諸知鎮城堡寨職田四頃正
八品外官市令諸錄事諸防禦判赤縣丞諸劇縣丞宗
福婦都巡河官諸酒稅使醋使權場副諸都巡檢職田
四頃按察司知事大興府知事招討司知事諸副都巡
檢使諸節鎮以上司獄諸副將職田二頃從八品外官
南京文鈔庫使諸統軍按察司知法諸州判官諸京縣
丞諸次劇縣丞諸三品鹽司判官漕運司管勾永豐廣
備庫副使左右別貯院木場使職田二頃諸默濟格諸

額爾錦職田三頃正九品外官南京交鈔庫副諸警巡
判官諸縣丞諸酒稅副使職田三頃市丞諸司候諸主
簿諸錄判諸縣尉散巡河官黃河埽物料場官職田二
頃諸鹽場管勾左右別貯院木場副永豐庫廣備庫判
諸都隊將店宅務管勾諸州軍司獄俱同從九品外官
諸教授職田三頃三品以上官司知法司候判官職田
二頃

元至元三年定隨路府州縣官職田之制上路達魯噶

齊十六頃總管同同知八頃治中六頃府判五頃下路
達嚕噶齊十四頃總管同同知七頃府判五頃散府達
嚕噶齊十頃知府同同知六頃府判四頃上州達嚕噶
齊十頃州尹同同知五頃州判四頃中州達嚕噶齊八
頃知州同同知四頃州判三頃下州達嚕噶齊六頃知
州同同知四頃州判三頃警巡院達嚕噶齊五頃警使
同警副四頃警判三頃錄事司達嚕噶齊三頃錄事同
錄判二頃縣達嚕噶齊四頃縣尹同縣丞三頃主簿二

頃縣尉主簿兼尉並同經歷四頃十四年定按察司職
田各道按察使十六頃副使八頃簽事六頃二十一年
又更定其制江南行省及諸司職田比腹裏減半上路
達魯噶齊八頃總管同同知四頃治中三頃府判二頃
五十畝下路達魯噶齊五頃總管同同知三頃五十畝
府判二頃五十畝經歷二頃知事一頃提控案牘同散
府達魯噶齊六頃知府同同知三頃府判二頃提控案
牘一頃上州達魯噶齊五頃知州同同知二頃五十畝

州判同提控案牘一項中州達嚕噶齊四項知州同同
知二項州判一項五十畝都目五十畝下州達嚕噶齊
三項知州同同知二項州判一項五十畝上縣達嚕噶
齊二項縣尹同縣丞一項五十畝主簿一項縣尉同中
縣與上縣同下縣達嚕噶齊一項五十畝縣尹同主簿
兼尉一項錄事司達嚕噶齊一項五十畝錄事同錄判
一項司獄巡檢同按察使八項副使四項簽事三項經
應二項知事一項運司官運使八項同知四項運副三

頃運判同經歷二頃知事提控案牘同鹽司官鹽使二頃鹽副同鹽判一頃各場正同管勾各一頃

明初邊臣有養廉田勲臣及公以下莊田百頃至千頃不等又賜功臣暨武臣公田又賜百官公田以其租稅充祿指揮沒於陣者皆賜公田其後令還田給祿米公五千石至二千五百石侯千五百石至千石伯千石至七百石正從一二三四品官自千石至三百石每階遞減百石正五品二百二十石從減五十石正六品百二

十石從減十石正七品視從六品遞減十石正八品七
十五石從減五石正從九品視從八品遞減五石

詳載
祿秩

門

欽定續通志卷一百三十八